



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

11. In excelsa Sedis &c. Literæ quibus gratiæ, & privilegia à san. mem.
Clemente PP. XI. aliàs concessa Academiae Theologicæ in Archigymnasio
Sapientiæ de Urbe erectæ confirmantur, & innovantur, ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

X.

Literæ quibus gratiæ, & privilegia à san. mem. Clemente PP. XI. aliis concessa Academiae Theologicae in Archigymnasio Sapientiae de Urbe erectæ confirmantur, & innovantur, aliaque plurima pro salubri ejusdem Academiae directione, præsidio, & incremento conceduntur, cum diversis ordinationibus.

BENEDICTUS PAPA XIII.

Ad perpetuam rei memoriam.

Exordium.

IN Excelsa Sedis Apostolicæ specula constituti, illa, quæ à Romanis Pontificibus Prædecessoribus Nostris, ad excitanda Sacrarum Literarum, & bonarum Disciplinarum studia, debitumque virtuti honorem rependendum, prudenti disposita consilio, & felici, faustoque inchoata esse noscuntur principio, prosequi, & quantum Nobis ex alto conceditur, perficere studemus, sicut omnibus maturæ considerationis trutinâ perpensis, rationi, ac recto ordini consentaneum fore in Domino arbitramur.

§. I. Aliis siquidem emanarunt à fel. rec. Clemente PP. XI. Prædecessore Nostrò, ad favorem Academiae Theologicae nuncupatæ non ita pridem in Urbe institutæ, Literæ in simili forma Brevis tenoris, qui sequitur videlicet.

Clemens Papa XI. Ad perpetuam rei memoriam. Inscrutabili Divinæ Bonitatis, atque sapientiæ providentiâ ad Ecclesiæ Catholicæ per universum Terrarum Orbem diffusæ regimen, meritis licet imparibus, eveci, inter multiplicis Pastoralis vigilantia Nostræ curas, Sacrarum Literarum, (ac præsertim Theologicae Facultatis studia, per quæ depulsâ ignorantia caligine mortalium mentes luce veritatis illustrantur, ad supernæ Deitatis essentiam veraciter contemplandam iter panditur, sana doctrina asferitur, Catholica Fidei puritas ab Hæresibus, pravisque Dogmatibus gladio spiritus vindicata enitescit, illiusque, & Divini Cultus propagationi, ac aliis Christianæ Republicæ commodis consulitur, ubique locorum, ac præcipuè in hac Alma Urbe Nostra, ex quâ Doctrinæ, & bonorum operum exempla in reliquis Christiani Orbis partes affluè promanant, quantum Nobis ex Alto conceditur, promovere, excitare, & confovere studemus, sicut omnibus maturæ considerationis trutinâ perpensis, ad Omnipotentis Dei gloriam, Ecclesiæque Decus, & præsidium, ac Christianidelium utilitatem cognovimus in Domino salubriter expedire. Cum itaque aliàs, nempe ab ipsis Pontificatus Nostrî primordiis, quædam Academia Theologica nuncupata, in qua plures in ea facultate versati, ac etiam Magistri, seu Doctores, aut aliis graduati ad pleniorum, & sublimiorum Sacrarum, Divinarumque rerum cognitionem aspirantes, Sanctæ Theologiæ, nec non Historiæ Ecclesiasticæ Disciplinis præcipuam, sedulamque operam laudabiliter hæcenus navarunt, & adhuc indefessis studiis navare non desistunt, sub auspiciis Nostris, ac Nobis annuentibus in Urbe præfata erecta, seu instituta sit, eique usum loci in ædibus publici Gymnasii Sapientia nuncupati ejusdem Urbis pro suis Conventibus habendis, & functionibus peragendis, sub certis modo, & forma tunc expressis assignaverimus, & concesserimus, & sicut plurimorum præstantium Virorum testimonio, imò etiam nonnullorum ex Venerabilibus

Fratribus Nostris S. R. E. Cardinalibus, qui Literariis ipsius Academiae exercitationibus, & disceptationibus sæpius interfuerunt, relatione accepimus, Dilecti Filii Academici eidem Academiae adscripti, notabiles in prædictis Disciplinis progressus jam fecerint, & in dies facere pergant, unde non obscura spes affulgeat, fore ut dicta Academia, benedicente Domino, non solum majora in posterum suscipiat incrementa, verum etiam suavissimos, uberesque fructus in Ecclesiâ Dei quandoque proferat, in eumque finem prædicti Academici pro recto, ac felici Academiae hujusmodi gubernio nonnullas Constitutiones, seu Statuta, quæ per bon. mem. Thomam Mariam, dum vixit, ejusdem S. R. E. Cardinalem Ferrarium Sancti Clementis nuncupatum jussu Nostrò revisa, & subindè approbata fuerunt, jam pridem condiderint, quorum tenor est, qui sequitur videlicet. *Constitutiones Academiae Theologicae. Academiam Theologicam solum illi parte volumus, qui Theologiae saltem quadriennio sedulam operam navarunt. Horum ingenii exercendis, perfectaque doctrina imbuendis bis in hebdomada scilicet feria tertia, & sexta de Sacris, Divinisque rebus disputabatur. Alternis Theologica, alternis historica disputatio erit; idem vero vel ad Nostra Religionis dogmata pertinentes controversia, vel ad Sacras Literas disceptabuntur. Ab exercitationibus vacato erit à Dominica Sexagesima ad Dominicam Quadragesimam; à die Palmarum ad diem Dominicam in Albis, & à decimo sexto Kalen. Octobris ad decimam quintam Kalen. Decembris. Ex universa Theologia, atque Historia Ecclesiastica præcipuae quaestiones à Censoribus selecta triennii disputationibus absolventur: eorumdem judicio, quæ in contrarias partes disputari possunt, quæve in alteram tantum decernerentur. Ordo in Theologicis ad summam Divi Thomæ; in Historicis ad seriem temporum accommodabitur. In quocunque Conventu Academicus, cui id fuerit injunctum, primum ea, quæ in quaestione versantur, breviter, ac luculenter explicabit; dùm duo eum eo solidam horam disceptando decertabunt, ille eorum argumenta, & conquistas rationes acriter fellerit, & confutabit. Quilibet Academicus exacto anno solemnem disputationem habeat; sex horas, tres ante, tres post meridiem disputabit. Omnes Academico munia triennio saltem obibunt, & labores quæ disputando, quæ in solemnibus disputationibus accuratè disceptando sustinebunt: Completo triennio proximum à Censoribus locum, ac Sedem honoris ergo habebunt, de omnibus quæ ab Academicis conficiuntur, suffragium ferent. Quicumque sex annos Academicum munia obierit, & labores subierit, inter Censores referendus. De controversiis disceptandis Censoris judicium erit; unus minus solemnibus, tres solemnibus disputationibus præsidebunt; quid de illis sentiant, judicabunt; suffragia occulta erunt soli Academico à secretis nota, ut possit, cum fuerit opportunum, doctrinam ejusque testimonium perhibere. Academicus à secretis qui & Censor erit, cunctis solemnibus disputationibus unà cum duobus aliis Censoribus prærit, non solemnibus, tunc cum Censorem non adesse contigerit. Diem solemnibus disputationibus statuet; cum pro iis habendis designabit, quem integrum annum in Academia exegisse constabit, annum autem non dierum, sed laborum cursu metimur. Certiores faciet Censores de quaestionibus, quarum disceptationibus debent præsidere, eas Academicis omnibus, adjecto die ad disputandum destinato, scriptas tradet; controversias disceptandas quolibet mense in tabella descriptas exponet, scriptoresque, qui de illis uberius, & luculentius disserunt, indicabit; Acta omnium, quæ geruntur conficiet: Academicorum nomina in albo describet; & tempus quo adscripti fuerint adnotabit. Academicorum doctrinam, labores, Censorum judicio probatas disputationes publicis Literis pro cuiusque merito testabitur. Ac proindè sicut memorati Academici exponi Nobis nuper fecerunt, ipsi*

Tenor Constitutionis Clementis XI. emanatæ ad favorem Academiae Theologicae.

non minus ejusdem Academiae erectionem, seu institutionem, perpetuque usus loci eis, sicut praemittitur, assignati concessionem, quam Constitutiones, & Statuta praeferta, quod firmius subsistant, Apostolicae confirmationis Nostrae patrocinio communiti. & alias desuper Paternae providentiae Nostrae partes interponi plurimum desiderant: Nobis propterea humiliter supplicari fecerunt ut in praemissis opportunè providere, & ut infra indulgere de benignitate Apostolica dignemur. Nos igitur, qui Academiae praedictae prosperum statum, & directionem, uberioraque incrementa sinceris exoptamus affectibus, eorundem exponentium votis hac in re, quantum cum Domino possumus, benignè annuere, eosque specialibus favoribus, & gratis prosequi volentes, ac eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, à Jure, vel ab homine, quavis occasione, vel causa latis, si quibus quomodolibet innodatae existunt, ad effectum praesentium dumtaxat consequen. harum serie absolventes, & absolutas fore censentes, hujusmodi supplicationibus inclinatis, erectionem, institutionem Academiae praedictae, perpetuque usus loci ei in aedibus dicti Gymnasii, ut praefertur, assignati, concessionem praefatas, nec non Constitutiones, & Statuta praeferta, cum omnibus, & singulis in eis contentis, & expressis auctoritate Apostolica, tenore praesentium, sine tamen Universitatis Studii Generalis ejusdem Urbis, ac cujusquam alterius praedictio approbamus, & confirmamus, illisque perpetuae, & inviolabilis Apostolicae firmitatis robor, & praesidium adjicimus, ac quoscumque juris, & facti defectus, si qui in praemissis quomodolibet intervernerint, amplissime supplemus. Et nihilominus dictam Academiam Theologicam, quatenus opus sit, auctoritate, & tenore similibus itidem perpetuo erigimus, & instituimus, eique perpetuum usum loci praefati denudè concedimus, & assignamus. Porro ne unquam in eadem Academia perpetuis futuris temporibus Censores, qui Academicorum disputationibus praesint, aliasque eis per Constitutiones, & Statuta praeferta demandatas functiones obire valeant, desiderari contingat, volumus, & eadem auctoritate decernimus, ut praeter, & ultra eos in ejusmodi Statutis, & Constitutionibus designatos, omnes, & singuli Sacrae Theologiae in eodem Gymnasio Lectores nunc, & pro tempore existentes, qui Collegium Theologorum inibi constituent, Officium Censorum in dicta Academia pariter obtineant: Praeterea, ut Academici nunc, & pro tempore similiter existentes, mercedis laborum suorum aliquando recipienda spe excitati, memoratis disciplinis eo impensus, solertiisque incumbant, eosdem Academicos, qui cuncta Academiae munia sedulo, ac laudabiliter adimpleverint, in Dignitatibus, Personatibus, Canonicatibus, & Praebendis, aliisque Beneficiis Ecclesiasticis, ac iis praesertim, quibus cura imminet animarum, per collationem, vel electionem in cujusque ipsorum Patrii respectivè providendis, aliis omnibus ceteris paribus tam in Romanà Curia, quam extra eam praeferi volumus, & mandamus; seridè idcirco requirentes, & monentes Venerabiles Fratres Patriarchas, Archiepiscopos, & Episcopos, nec non dilectos Filios Nostros, & Apostolicae Sedis Nuncios, ceterosque Praelatos, seu Locorum Ordinarios, ac quoscumque Beneficiorum ejusmodi Collatores, & Collatrices, ut Academicos praefatos, quorum multi exteri,

& ex diversis Nationibus existunt, cum eos in suas Regiones reverti contigerit, si sese supradictae Academiae adscriptos, in eaque dum cum laude versatos fuisse legitimis probationibus, atque in primis Literis testimonialibus Manu Secretarii ejusdem Academiae subscriptis, ejusque Sigillo munitis, docuerint, in collatione eorundem Beneficiorum, quatenus ipsi redditibus ad congruam sui sustentationem sufficientibus caruerint, aliis omnibus ceteris paribus similiter praefertant; quia vero etiam nonnulli Regulares praedictae Academiae adscripti plurimum adjumenti, atque splendoris huc usque attulerunt, & ut in Domino confidimus deinceps quoque allaturi sunt, idcirco eos itidem peculiari favore gratiae prosequi volentes, earundem tenore praesentium decernimus, ut postquam iidem Regulares Academiae praefatae adscripti, & in futurum adscribendi, de Superiorum suorum consensu, omnes Academicorum partes per sexennium rectè, ac diligenter expleverint, id eis, & eorum cuilibet suffragari debeat in omnibus, & per omnia, perinde ac si Sacram Theologiam in suis respectivè Monasteriis, Conventibus, seu Domibus Regularibus per triennium actu legisent, ita tamen ut duo dumtaxat, & non plures Regulares hujusmodi ex unoquoque Monasterio, Conventu, seu Domo Regulari de Urbe praefata ubi studia vigeant, & actu Sacrae Theologiae legatur, à suis respectivè Superioribus deputentur, ad hoc ut Academiae hujusmodi adscribi, & in ea cuncta Academicorum munera exercere valeant: iis autem transacto sexennio alii duo, & non plures subrogentur, sicque de sexennio in sexennium servari debeat. Demum ut ejusdem Academiae conservationi, bonoque regimini, nec non Academicorum commodis, & utilitatibus uberius consultum sit, promptumque & paratum eis suppetat praesidium, dilectos filios Nostros Joannem Baptistam Sancti Caesarei Spinulam, Joannem Dominicum Sanctae Anastasiae Paraccianum, Carolum Augustinum Sancti Augustini Fabronum, Joannem Baptistam Sancti Stephani in Monte Caesio, Prolomeum titulosum Presbyteros, nec non Annibalem Sanctae Mariae in Cosmedio Diaconum Albanum nuncupatos, Nostrum secundum Carnem ex fratre germano nepotem praedictae Sacrae Romanae Ecclesiae Cardinales, memoratae Academiae Protectores, & Defensores constituimus, & deputamus, quorum consilio, ope, ac patrocinio tam supradicta, quam quaecumque alia ad Constitutionem, & Statutorum praefatorum observantiam, Academicorum admissionem, & expulsionem, Secretarii, & Censorum deputationem & amotionem spectantia, ac generaliter omnia & singula, quae ad salubrem Academiae directionem, illiusque progressum, decus, & ornamentum tendere, & conducere videbuntur, agantur, statuuntur, & ordinentur: Nos enim eisdem, ac pro tempore existentibus Protectoribus per Nos, & Sedem Apostolicam pariter deputandis plenam, liberam, & amplam ad praemissa facultatem, & auctoritatem, harum serie, tribuimus, & impartimur. Decernentes ipsas praesentes literas, ac omnia & singula praemissa firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari, & ab eis respectivè inviolabiliter observari; Sique in eisdem praemissis per quoscumque Judices Ordinarios, & Delegatos, etiam Causarum

Palatii Apostolici Auditores judicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus Constitutionibus, & ordinationibus Apostolicis, nec non quatenus opus sit Urbis, & Gymnasii praefatorum, ac quorumcumque Ordinum Regularium etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plenè, & sufficienter expressis, ac de verbo ad verbum insertis habentes, illis aliàs in suo robore permansuris, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque. Datum Romae apud S. Mariam Majorem sub Annulo Piscatoris, die 23. Aprilis 1718. Pontificatus Nostri Anno 18. F. Cardinalis Oliverius. Loco + Annuli Piscatoris.

§. 2. Cum autem Nos, qui, dum Cardinalatus honoreungebamur, praedictae Academiae functionibus, & exercitationibus summam cum animi Nos tri jucunditate interfuimus, eamque memorato Clementi Praedecessori magnopere commendavimus, ac re ipsa adjuvare non desuimus, nunc ita disponente Dei providentià, qui vocat ea, quae non sunt, tanquam ea, quae sunt, ad Supremi Apostolatus fastigium nullo licet meritorum nostrorum suffragio evecti, ac providè considerantes quantum splendoris, atque ornamenti Almae Urbi praefatae, nec non utilitatis universae Reipublicae Christianae accederet, si eadem Academia novis, validioribusque praedictis constabiretur, quorum ope firmius subsisteret, majoresque in dies progressus faceret: Sic namque multi (ut merito sperare licet) nedum in Urbe praedicta, sed in aliis etiam Christiani orbis partibus degentes, qui consueto Sac. Theologiae cursu in Scholis absoluto, illius studium profus abjiciunt, ad hanc Academiam convolantes; Sacrorum Dogmatum, Historiae Ecclesiasticae, ac Scholasticae Theologiae studia alacri animo prosequentes, seu aggredientes, ad Ecclesiastica munia rite, & rectè obeunda in primis idonei redderentur, puriori, solidiorique scientiae pabulo euntrentur, & in sana Doctrina eruditi, illam in suis respective regionibus docere, & propagare, atque adversus profanas vocum, sententiarumque hae praesertim temporibus admodum increbescentes novitates strenuè propugnare possent: Illi verò, qui censura gradu post diuturnos labores in dicta Academia adepto in eadem Urbè commorarentur collatis inter se consiliis, aut in confutandis libellis, qui nimia temeritate adversus Orthodoxae Fidei puritatem, sanctioraque Sanctae Romanae Ecclesiae, & Sedis Apostolicae jura, ac probatas, & à majoribus Nostri receptas traditiones, & Sententias passim circumferuntur, aut in vetustioribus SS. Patrum codicibus fideliter evulgandis, vel novis elucubrationibus pro temporum opportunitate edendis, rem. Catholicam, ac Literariam tueri, & illustrare valerent; hos proinde, aliosque uberores ab eo qui incrementum dat, & preces, ac vota humilium excedit, fructus ex eadem Academia praestolantes, gratias, & privilegia ei ab ipso Clemente Praedecessore, sicut praefertur concessa ampliare, & extendere decreverimus.

§. 3. Hinc est, quod ejusdem Academiae status, conservationi, & incrementis opportune prospicere, ac dilectos filios illius Academicos specialis fa-

vore gratiae prosequi volentes, eorumque singulae personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à Jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium tantum consequen. harum serie absolventes, & absolutas fore censentes, praesertim Clementis Praedecessoris Literas, ac omnia, & singula in eis contenta & expressa auctoritate Apostolica tenore praesentiam perpetuo approbamus, & confirmamus, ac quatenus opus sit innovamus, & de novo concedimus, statuimus, & ordinamus illisque inviolabilis Apostolicae firmitatis robor, & efficaciam adjungimus.

§. 4. Praeterea cum, sicut accepimus, plerique ex eis qui eidem Academiae haec nomen, & operam dederunt, rei familiaris angustia pressi, à caeteris abstinere, & aliud studia sua convertere debuerint, pluresque, ne praedictae Academiae adscriberentur, hac ipsa de causa deterriti fuerint, indeque factum sit, quod dicta Academia optatos progressus huc usque minimè facere potuerit, quin etiam timeri possit, ne sensim decrecente Academicorum numero tandem omnino deficiat, & concidat, nisi aliquot ex benignitate Apostolicae depraemissis subsidiis fulciatur, atque sustineatur; volumus, ut partim ex illis qui actu dictae Academiae adscripti reperiuntur, partim ex iis, qui eidem adscribi cupiunt, viginti pauperes Ecclesiastici, qui saltem per quadriennium Sacrae Theologiae assidue studuerint, per Ven. Fratres Nostros S. R. E. Cardinales ipsius Academiae Protectores nunc, & pro tempore existentes deinceps delignantur, eorumque singulis, donec aliter per Nos, seu Romanos Pontifices Successores Nostros provisorium fuerit, summa quinquaginta scutorum monetae Romanae per Datariam Apostolicam ex pecuniis Romano Pontifici pro tempore existentis ex eadem Dataria obvenerit, quotannis ab initio praesentis Anni incipien. assignetur, & persolvatur, donec expleto sexennio censura gradum assecuti fuerint, ac subinde alii per praedictos Cardinales in eorum locum subrogentur, quibus enarrata pecuniae summa itidem subministratur.

§. 5. Censores autem ipsius Academiae pro tempore quoque existentes serid hortamur, & monemus, quatenus non ea tantum, quae in ejusdem Academiae Constitutionibus sibi injunguntur, fideliter, ac sedulo adimpleant, verum etiam in errores refutandos, Ecclesiae, & Sedis praedictae jura asserenda, & vindicanda, ac Ecclesiasticam historiam illustrandam juxta modum, & formam sibi à nobis, vel Romanis Pontificibus Successoribus Nostri, aut Cardinalibus Protectoribus praefatis praescribendos, viribus omnibus incumbentes, Deo, & Ecclesiae se devovere, ac jugiter deservire procurent.

§. 6. Et quia debitus Justitiae ordo exigit eos, qui Sacrarum Literarum studiis se dedunt, aliisque in Divinarum rerum scientia praecellunt, condignis ab hac Sancta Sede gratiarum muneribus donari, cumque idem Clemens Praedecessor in praesertis Literis Academicos praedictos in collatione Beneficiorum Ecclesiasticorum aliis anteferrimounerit, Nos ipsi Clementis Praedecessoris vestigia sectantes, omnes, & singulos quorumcumque Beneficiorum Ecclesiasticorum Collatores similiter requirimus, ut quos diutius in dicta Academia cum laude versatos esse constiterit, aliis in ejusmodi collatione, caeteris paribus praefertant, praecipue verò eosdem Romanos Pontifices Successores Nostros enixè rogamus, ut secum reputantes quantopere Academia Theologica praefatam Almam Urbem ornare, quotque uberes in Ecclesia Dei fru-

Subsidia pro pauperibus.

Paraneisis ad Censores.

Academica praesertim Censores in Beneficiorum collatione anteferrandi.

Fructus uberrimi in Ecclesiam ex praefata Academiae promanentes laudantur.

Confirmatio de qua in rubr.

Commen-
dandi ad va-
ria munia
ecclesiastica.

ctus, benedicente Domino, afferre possit, si eam maximè vigere, ac florere contigerit, in Canonicatibus, aliisque Beneficiis hujusmodi conferendis, pensionibusque Ecclesiasticis reservandis, & aliis gratis impertiendis, dictos Academicos, præsertim si Censores fuerint, præ oculis habere velint, prout singulorum merita postulerint, quemadmodum nos facere non omitemus.

§. 7. Ad hæc cum æqui bonique rationi conducere dignoscatur, certis muniis exercendis adhibere, qui tutum aded Doctrinæ experimentum palam dederunt, maximèque deceat honoribus etiam augere, qui omni cura, ac studio ampliorum sibi sapientiam comparere, Academiam prædictam in publicum Ecclesiæ bonum, ac commodum colere, servare, & augere non desinant, dimensosque sibi litterarios labores pro veritate tuenda, dictæque Sedis dignitate asserendâ ultrò suscipiunt, & tolerant, eisdem Cardinalibus Protectoribus injungimus, ut quandocumque novi Philosophiæ, aut Sacræ Theologiæ Lectores publici in prædicto Gynasio Sapientiæ, vel in Collegio de Propagandâ fide nuncupato de eadem Urbe constituendi venient, aut etiam quoties novi designandi erunt in Urbe præfatâ Examinatores ad Confessiones, Sacros Ordines, & Beneficia, Qualificatores Officii Inquisitionis adversus hæreticam pravitatem, Consultores Congregationum eorumdem Ven. Fratrum Nostrorum S. R. E. Cardinalium, Sacris Ritibus, Indici librorum prohibitorum, & expurgandorum, ac Indulgentiis, Sacrisque Reliquis præpositarum, aut Examinatores Episcoporum in facultate Theologica; Nobis, ac Romano Pontifici pro tempore existenti commendare non præmittant Censores Academiæ prædictæ, sive Ecclesiastici Seculares, sive Regulares fuerint, idemque præsent, cum de promotione ad Episcopales, aliasve Ecclesiasticas Dignitates faciendâ agatur, ut singulorum meritis debitâ circumspicione libratis eos eligamus, quos ad majorem Dei gloriam, & Ecclesiæ utilitatem in Domino expedite censuerimus.

Requisita
Censuram.

§. 8. Quoniam autem, ut Nobis quoque innotuit, multis ex Academicis prædictis antehac Censuris Academiæ hujusmodi munus delatum fuit, Volumus quod præter eos, qui jam Censuris gradum obtinuerunt, nemini imposterum hoc munus deferatur, nisi illis Academicis, qui exacto laudabiliter sexennio, & sex peractis publicis disputationibus juxta præfatæ Academiæ Constitutiones, nomen, & officium Censuris dictæ Academiæ Theologiæ sibi promeruerint.

Confirmatio
& subroga-
tio Protec-
torum.

§. 9. Ceterùm cum idem Clemens Prædecessor memoratos Cardinales dictæ Academiæ Protectores, & Defensores constituerit, ac deputaverit, quibus sel. rec. Innocentius Papa XIII. Prædecessor etiam Noster Dilectum Filium Nostrum Bernardum Mariam tit. S. Bernardi ad Thermas ejusdem S. R. E. Presbyterum Cardinalem de Comitibus nuncupatum addidit, ac nonnulli ex illis ab humanis decesserint, Nos ipsos Cardinales Protectores, & Defensores Academiæ prædictæ sic Deputatos, ac de præsentibus existentes, auctoritate præfata confirmantes, in locum defunctorum Venerabilem Fratrem Nostrum Fabritium Episcopum Ostien. & Veliternum Paulutium Sacri Venerabilium Fratrum Nostrorum ejusdem S. R. E. Cardinalium Collegii Decanum, ac Dilectum Filium Nostrum Ludovicum tituli S. Silvestri in Capite, ipsius S. R. E. Card. Picum respectivè nuncupatos, auctoritate præfata subrogamus, ac in Protectores, & Defensores hujusmodi pariter constituimus, & deputamus.

§. 10. Decernentes quoque eadem præsentibus Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissimè suffragari, & ab eis respectivè inviolabiliter observari; Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, aliove quolibet quacumque præeminentiæ, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definituri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Decretum
roborans &
clausula sub-
lata.

§. 11. Non obstantibus Constitutionibus, & Ordinationibus Apostolicis, nec non omnibus, & singulis illis, quæ in præfatis Clementis Prædecessoris Litteris concessa sunt non obstat, cæterisque contrariis quibuscumque. Datum Romæ apud Sanctum Petrum, sub Annulo Piscatoris die 6. Maji 1726 Pontificatus Nostri Anno Secundo.

Derogatio
contrariis.

Loco ✠ Annuli Piscatoris.

F. Card. Oliverius.

CONSTITUTIO

XII.

Per quam confirmatur Erectio Conservatorii pauperum Puellarum Oppidi de Guimarens Bracharen, Diœcesis in Monasterium Ordinis B. V. MARIÆ de Monte Carmelo, eademque, quantum opus sit, suppleto quocumque defectu sanatur, & convalidatur; Moniales verò à Jurisdictione Archiepiscopi, & Parochi perpetuò liberantur, & Superioribus Fratrum dicti Ordinis immediatè subjiciuntur.

BENEDICTUS PAPA XIII.

Ad futuram rei memoriam.

Sacrofanctæ Militantis Ecclesiæ Gubernacula ex Summi Sacerdotii cathedra Nobis, meritis licet imparibus demandata tenentes, ad ea per que pauperes Puellæ olim sub aliquo vivendi Regula in communi Domo Conservatorii vivent, tandem spreis hujus infelicis seculi illecebris, tanquam prudentes Virgines accensis lampadibus obviam ituræ Sponso Jesu, eadem Domo in Monasterium erecta, assumptoque Regulari habitu perpetuum Altissimo famulatum impendere, æternamque beatitudinem consecrari valeant, ac exinde honoris flores, & honestatis fructus, Regularique Vitæ propagatio deveniant, propensius studii intendimus, & ne in posterum de hujusmodi erectionis validitate hæsitari contingat, sed litium anfractibus, & dissidiis super hoc habitis hucusque finis perpetuò imponatur, ac personæ in ea degentes Divinis laudibus ea, quæ par est mentis puritate, & cordis sinceritate liberius insistant, erectionem Monasterii hujusmodi Apostolicæ confirmationis munimine roborantes, Pastoralis Officii nostri partes favorabiliter interponimus, prout personarum hujusmodi ac locorum & temporum qualitatibus matura consideratione

Exordium
à fovendo &
confirmando
pauperum
Puellarum
Monasterio.

pen-